



PNTL



REVISTA

10

Polísia Nasional Timor-Leste
Ita nia Polísia 2015 July Agostu

Estudante nuudar ponte ba informasaun	4
PNTL munisipiu Dili hari konsellu diretiva Munisipal	6
PNTL atinji progresu maka'as	7
Ofisina PNTL treina uza Extintor Inséndiu	8
Partisipasaun PNTL iha Misaun ONU ho susesu	10
PNTL iha asaun	12
kombate droga	14
Poltraz uza livru Nota Auto Infrasaun foun	16
Estatístiku Nasional Insidente no Tránzitu 2015	17
Embaixada Amérika apoiu radio 65 ba polísia	18
Diagnóstika Nasional PNTL iha Planu Estratéjiku	19
"HAKOHAK" apoiu rezolve problema	20
Polísia bele implementa Lei Ambiental	21
Situs PNTL promove VIP	22
Kadetes 262 sei hahú formasaun iha Outubru	23

sumário

10



Photo: Tomas M. Rodrigues/PNTL

Relasaun Pública no Midia PNTL

Rua Jacinto Cândido - Caicoli - Dili

Website: www.pntl.tlEmail: koaliaho@pntl.tl

Nú. Kontaktu: 77 312 433

77 394 446

77 325 881

Ajt. Tomas Maia Rodrigues

Ajt. Jeremias dos Santos

Ajt. Melquiades do Nascimento

Sekretariádu



Maluk lee na'in sira hotu, ami haksolok tebes hodí hasoru malu fali ho ita boot sira liu husi Revista PNTL Edisaun 10, ne'ebe sei oferece informasaun kona-ba atividade PNTL nian iha Nasional nomos Munisípiu, durante fulan Julu no Agosto 2015.

Hanesan ita hotu hatene katak, kada fulan númeru asidente tráfiku sempre aumenta, tama kestaun ida mak kondisaun fijiku hanesan infraestrutura mak la'o runga-ranga tama laiba planeamentu ne'ebe di'ak (hadi'a estrda ho monta sinais tráfiku) tama ne'e sinais tráfiku balun la funsiona ho di'ak, nomos zebra cross ka pasadeira balun lakon, iha parte ida mos kondutor no motorista sira balun seidauk kompriende didi'ak kona-ba funsaun sinais tránzitu tama ne'e sempre akontese asidente iha Estrada públíku.

Ho nune'e, liu husi edisaun ida ne'e, ami hato'o informasaun ba lee na'in sira kona-ba importansia sinais tránzitu iha estrada públíku ba prevensaun asidente liu-husi kampaña ne'ebe Seksau Eduksaun Tránzitu Nasional, Polísia Nasional Timor-Leste fo ba estudante sira iha Eskola.

Aleinde ne'e, ami mos fo sai informasaun kona-ba Pesoal ofisina PNTL treina oinsa uza Extintor Inséndiu (hamate ah) bainhira mosu insendiu iha Oficina ka servisu fatin, Diagnóstika nasional kona ba planu estratéjiku PNTL nian, no mos opiniaun kona ba trafikante droga iha Timor-Leste hanesan fatin tranzasaun ba droga tanba facilidade no rekursu nebe minimu atu kontrola droga maka ami sani ba maluk le'e nain sira. Atu suporta sevisu Polísiamentu Komunitariu nian maka Embaixada Estadus Unidos America liu husi ajensia USAID suporta Radio Komunikasaun ba membru Polísia Komunitária sira.

Atu kompleta liutan nesedidade públíku ba informasaun liu-liu konaba servisu PNTL nian, iha edisaun ida ne'e ami mos oferece ba le'e nain sira informasaun kona ba partisipasaun PNTL iha misaun ONU hodí halao servisu ba manutensaun ba paz, Progresu servisu PNTL nian, koperasaun no servisu hamutuk entre instituisaun PNTL ho nia parseiru sira nune'e bele dezenvolve instituisaun seguransa ne'e ba futuru ho susesu. Iha mos informasaun kona ba formasaun ba kadetes foun nomos implementasaun lei ambiental husi PNTL nudar autoridade seguransa atu mantein lei no ordem.

Regularmente, ami fo sai estatística krimen no asidente ne'ebe akontese iha territóriu tomak atu nune'e públíku bele hatene hodí tau atensaun. Tamba seguransa la'os PNTL de'it mak responsabiliza maibe, ema ida-idak sei tau iha konxiensia katak seguru ba nia vida importante liu.

Maluk le'e nain sira, ksolok tebes iha biban ida ne'e, ekipa servisu relasaun publiqua PNTL nian kuntinua hatutan informasaun ba ita boot sira atu nune'e bele akompanha lalaok no servisu instituisaun seguransa ne'e iha rai laran no rai liur. Hodí nune'e bele asegura estabilidade, paz no moris hakmatek ba povu no nasaun Timor-Leste hodí priense prosesu dezenvolvimentu. Wainhira laiha paz maka dezenvolvimentu sei labele lao. Laiha paz nasaun ho nia povu lahatene atu ba nebe no halo saida. Laiha paz laiha futuru. Mai ita servisu hamutuk hodí kontribui ba paz no estabilidade iha nasaun joven ne'e.

Obrigadu barak!

Inspetór Xefe Honorio Assis Barreto
Xefe Repartirasaun Relasaun Pública PNTL

Foto kapa

Membru Unidade Tránzitu hala'o kampaña seguransa iha estrada

Estudante nuudar ponte ba informasaun

Estudante sira hanesan ponte ida hodi habelar informasaun ba komunidade no familia iha uma, atu nune'e bele aumenta koñesementu komunidade nian kona ba sinais no regras tránzitu atu nune'e bele hamosu konxiënsia ema ida-idak nian kona-ba oinsa uza estrada pùbliku ho seguru tuir regras ne'ebe mak iha.

Xefe Seksau Edukasaun Tránzitu Nacional, Ajente Xefe Amelita Ornai Neto, S.H.M.H. iha nia knar fatin Departamentu Tránzitu Siguransa Rodoviariu iha Kaikoli, Dili hateten Objetivu husi kampaña konaba sinais tránzitu iha Estrada pùbliku ba estudante, komunidade no kondutor sira ne'e atu prevene infrasaun trafiku no asidente trafiku. Nune'e ema hotu nebe uza estrada pùbliku la sai vitima ba asidente trafiku.

Programa edukasaun sivika ne'e foka liu kona ba oinsa uza kapasete wainhira sae motor, utiliza pasadeira bainhira atu atravessa estrada, kondutor sira tenke iha karta kondusaun no dokumentus motor ho kareta, kondutor tranposte pùbliku tenke uza farad wainhira lori mikrolet no taxi no estudante sira labele halimar iha estrada pùbliku.

"Durante tinan 2013, ami halao programa primeiru ba estudante eskola Pré-Primaria, Primaria, Pré-sekundária, Sekundária nomos Universitariu hanesan DIT, husi munisipiu Dili, inklui Postu Administrativu Atauro no Metinaro."

Programa edukasaun sivika ne'e hetan antusiazmu maka'as husi estudante no profesores sira liu husi partisipasaun ativu durante prosesu ne'e, no sira rekomenada atu programa ne'e bele hala'o fulan ida dala ida ba eskola sira, hodi uza tempu minutu 15 ba departamentu tránzitu atu fo esplikasaun kona ba sinais no rega tránzitu nian molok sira hahu prosesu aprendijajen,

Edukasaun no sosialjsaun konaba sinais no rega tránzitu nudar servisu rutina no dever departamentu tránzitu nian atu nune'e bele aumenta koñesementu no hasae konxiënsia komunidade hodi minimiza numeru asidente trafiku.

Meius sosializasaun nebe maka halao direta no indireta hanesan halo sosiljsaun ba eskola no komunidade, fahe brosura no poster ba kondutor sira, no liu husi

media komunikasaun hanesan Televisaun, Radio, Jornal, Website, Facebook no seluktan. Hein katak informasaun nebe fo sai liu husi media bele hasae koñesimentu pùbliku nian kona-ba regras tránzitu. Wainhira iha hahalok ruma nebe kontra sinais no regras tránzitu maka sei selu multa ba estadu tuir lei nebe maka vigora. Bazeia ba observasaun nebe maka halo iha terrenu katak estudante sira komprende naton konaba sinais no regras tránzitu. Nune'e mos, 30% husi kondutor sira iha ona konxiënsia no komprende konaba funsaun passadera ba ema lao ain sira atu atravessa tanba ne'e importante tebes atu eduka no hasae kondutor sira nia konesementu. Katak, wainhira lori kareta no motor to'o pasadera tenke hamenus velosidade nune'e fo oportunidade ba ema lao ain atu travessa.

Hare ba kondisaun fiziku infrastrutura iha rai laran nebe ladun diak, sai parte ida nebe afeta ba sinais tránzitu. Tamba neé, polisia tránzitu liu husi seksau Enjinaria Trafiku kunitiuu halo observasaun no monitorizaun nafatin ba risku iha estrada nebe hamosu asidente trafiku liu husi kooperasaun ho Diresaun Nasional Transporte Terestres (DNTT) hodi hareé kondisaun estrada no sinais tránzitu nebe presija koloka.

Iha prosesu sosializaun Seksau Edukasaun Tránzitu Nacional halo aprzentasaun liuhusi powerpoint tambo hetan difikuldade ba facilidade fiziku hodi hatudu sinais tránzitu, hanesan Sinais bandu, Sinais Obrigatori, no Sinais seluk. Iha biban neé, Xefe Seksau Edukasaun Tránzitu Nacional husu atu bele hetan suporta material ba hanorin hanesan brosura, baner, informasaun no video kona-ba prevensaun tránzitu husi UNDP no Fundasaun Ásia.

Atu termina Xefe Seksau Edukasaun Tránzitu Nacional Ajente Xefe Amelita Ornai Neto, S.H.M.H enkoraja estudante sira nudar airin ba nasau no ponte ba informasaun atu habelar no haklean liutan informasaun ba komunidade, tanba wainhira ema nain ida pasa informasaun ba ema nain sanulu maka iha ema nain sanulu komprende no hein katak informasaun ne'e bele espalla ba komunidade, wainhira uza estrada pùbliku tenke iha konxiënsia katak iha regras no estrada pùbliku ne'e ema hot-hotu uza nuene'e ita labele sai vitima ba asidente trafiku.

Photo: Tomas M. Rodrigues/PNTL



PNTL munisipiu Dili **hari konsellu diretiva Munisipal**

Atu asegura no garantia seguransa no moris hakmatek ba populasau munisipiu Dili maka Polisia Nasional Timor-Leste (PNTL) munisipiu Dili estabelese Konsellu Diretiva Munisipal (KDM) nune'e bele buka solusaun ba problema seguransa iha kapital Dili.

Prezidente KDM Dili Superintendente Xefe Pedro Belo iha tomada de posse ba membru KDM Tersa 29/9 iha PNTL Munisipiu Dili, katak hare ba karakteristika no sitasaua moris populasau munisipiu Dili nebe maka lahanesan ho munisipiu seluk. Ejiji Komandu Jerál PNTL hodi hari KDM atu fo apoiu maximu no solusaun ba problema hotu nebe maka Konsellu Polisiamentu Komunitária (KPK) hasoru.

Nia reforsa liutan katak KDM hari hodi salva komunidade sira nebe durante ne'e sente la seguru tanba kriminoju sempre halo violensia hasor sira iha tempu loran no kalan. Atu salva komunidade husi kriminoju, servisu todan tau hela iha ami nia kaba'as hodi buka solusaun atu rejolve no kria estabilidade ba populasau iha munisipiu Dili.

Strutura KDM atu fo apoiu ba strutura KPK no sai hanesan protekto ba populasau iha munisipiu Dili. Ho nune'e ohin loran ita hotu asisti tomada de posse ba strutura KDM tanba ita hatene iha munisipiu Dili mosu krome nebe ás liu hanesan ofensa Integridade fisika simples nebe involve maioria foinsae sira hanesan maus tratus ba konjuje, violensia domestika nebe involve familia uma laran, ofensa Integridade fisika agravadu nebe involve foin sa'e sira, nomos krome seluk nebe mosu iha komunidade nia le'et.

Iha okajaua ne'e, segundu Komandante Jerál Komisariu Faustino da Costa iha nia intervensaun hateten KDM hari atu evalua servisu nebe KPK halao iha suku, nomos buka solusaun ba rekomenadasau husi problema nebe infrenta iha nivel suku. Importansi husi KDM hari atu implementa atividade Polisiamentu Komunitária nebe hakerek iha lei orgánika PNTL katak misaun atu halao knaar no atividade polisiamentu komuntaria nian parseria ho entidades tomak iha nivel aldeia to'o munisipiu.

Strutura KDM simples maibe implementasaun no rezultadu servisu laos fasil. PNTL hahu mai ho ninia filosófia Polisiamentu Komunitariu ho lema "Viziabilidade Involvimento no Profesionalismu/ VIP" atu garantia VIP maka oras ne'e dadaun PNTL promove strategia oí-oin ho planu nebe maka iha katak kada munisipiu nia atividade lahanesan depende ba karakteristika nomos klima iha munisipiu ida-idak.

Entretantu Embaixador Nova-Zelandia Jonathan Schwass hateten, KDM refleta intensaun husi lei seguransa interna hodi estabelese konsellu seguransa distritual iha kada distritu no bele saí modelu diak ba governu no PNTL, hodi bele hili wainhira finalija lei konsellu ida ne'e. Hein katak KDM sei kontinua metin no hasae kapasidade PNTL, sosiedade civil no lideransa komunitária iha Dili hodi hadia seguransa

ba komunidade hodi promove Polisia Komunitária.

KDM no Konsellu Polisia Komunitária sei fornese kordenasaun hodi fo suporta ba prosesu sira ne'e. KDM mos halo aprovasaun ba fundus seguransa lokal iha distritu, prosesu ne'e uza hodi promove lejislasaun hanesan lei violensia domestika no lei ba rai nomos oinsa hodi bele rejolve asuntu disputa rai.

Nia hatutantan katak KDM nia programa lao diak tanba komunidade hatene sira nia problema no iha ideia diak konaba oinsa bele rezolve sira nia problema. KDM iha Dili sei fo ba autoridade lokal hodi toma responsabilidade ba asuntu seguransa iha sidade no ajuda polisia sira hodi bele identifika no responde ba sira nia problema iha komunidade nia le'et.

Iha fatin hanesan Xefe HAKOHAK The Asia Foundation Sara Dewarst hateten atu prevene konflikta no hamenus numeru insidente krome nebe akontese iha komunidade nia le'et presiza involvimento polisia nomos kolaborasaun ho autoridade no ministériu sira hotu tanba instituisaun ida deit la efetivu atu responde ba problema nebe kompleksu iha komunidade nia le'et.

Nia hakturitan tuir ita nia esperensiua munisipiu Dili iha problema disputa rai nebe aumenta barak durante prosesu sukat rai, violensia domestika, kobrana illegal, dun malu buan no joventude sira baku malu, problema hirak ne'e hotu laos simples atu hamenus no presija kolaborasaun ema hotu nian tanba ne'e importante tebes atu hari KDM.

Deklarasaun Komprimitisu husi Konsellu Diretiva Munisipiu Dili(KDM) :
Iha autoridade no komunidade hotu nia oin ami membru KDM Dili ho laran tomak deklara katak hahu loran ohin Tersa feira 29 de Setembru 2015:

1. Servisu ho espiritu voluntariamente ba interesse nasau hodi kontribui ba dezenvolvimentu seguransa.
2. Kolabora hamutuk ho Polisia Komunitária hodi kria parseru forte iha komunidade ba lalaok polisiamentu nebe partisipativu no preventivu.
3. Defende legalidade direitu povu iha munisipiu Dili atu moris iha ambiente tranquiilu no seguru.
4. Tau matan no avalia ba lalaok programa polisiamentu komunitária liu-liu hare ba legalidade no kualidade programa atu nune'e bele fo inpaktu nebe pojitu ba komunidade atu moris hakmatek iha munisipiu Dili.
5. Esforsu hamutuk ho polisia komunitária no sosiedade civil atu kria konxiénsia mantein siguransa no ordem público iha munisipiu Dili.
6. Halo relatoriu ba nivel nasional ba prosesu programa seguransa husi munisipiu Dili kada fulan tolou dala ida, nebe sei lidera husi komandante PNTL munisipiu Dili.



Ajenti Polisia hala'o servisu IT ne'ebe hetan suporta husi UNDP



Photo: Jeremias Dos Santos/PNTL

**PNTL
atinji progresu maka'as**

Liu husi apoiu dezenvolvimentu kapasitasauaun rekursu umanu ba membru Polisia Nasional Timor-Leste (PNTL) husi Programa Nasoens Unidas ba Dezenvolvimentu (PNUD/UNDP) hatudu duni progresu maka'as iha tinan 2 (rua) nia laran (2013-2015).

Área hirak ne'e durante ne'e UNDP fó apoiu ba dezenvolvimentu kapasitasauaun mak hanesan implementasauaun no koordenasaun planu estratéjiku, Informasaun Teknolojia, Rekursu Umanu, Aprovizionamentu, Jestaun Viaturas no Relasaun Pública, entre área hirak ne'e maioria mak hatudu duni nia progresu maka'as.

"Ekipa Projetu UNDP nian mai hodi fó suporta ba PNTL ho espesialidade ne'ebe sira iha. Ha'u sente área sira ne'ebe UNDP suporta, área ne'ebe importante tebes ba PNTL, no mudansa hatudu dadauk ona liu husi kualidade servisu membru PNTL nian, ne'e hatudu katak espesialista sira hakarak tulun duni PNTL hodi oferese sira nia matenek ba membru PNTL sira."

Afirmá Komandante Jerál PNTL Komisáriu Julio da Costa Hornay iha enkontru konsellu ba projetu UNDP-PNTL nian iha Salaun Konferensia Kuartel Jerál PNTL Caicoli-Dili, loran 28 Agostu 2015.

Iha oportunidade ne'e, Komisáriu Hornay hodi PNTL nia naran agradese no apresia ba parseiru PNTL tomak liu-liu UNDP, tambo ho sira nia apoiu mak ohin loran UNDP ho nia ekipa mai servisu hamutuk ho PNTL desde tinan 2013 to'o ohin loran, no husu ba UNDP atu kontinua fo suporta nafatin PNTL tambo PNTL mak asegura seguransa interna atu nune'e Timor-Leste hakmatek iha paz nia laran. Tambo ne'e, PNTL presija servisu ho kualidade hodi responde ba nesesidade povu Timor-Leste tomak.

Komisáriu Julio hatutan, iha área balun mak sei la'o neneik hela maibe sei buka dalam oinsa atu bele koopera ba malu di'ak liu tan hodi lori PNTL ba oin.

Iha fatin hanesan, Jestór ba projetu UNDP-PNTL Gil Naldo Rei hateten, durante UNDP nia apoiu ba área hirak ne'ebe UNDP fó suporta, sira hatudu progresu makaas liu, maske sei iha mos dezafiu balun ne'ebe presija atu hadi'a diak liu tan liu-liu iha liña kooperasaun.

"Ita la espera katak PNTL bele atinji ida ne'e iha tinan 2 de'it, maibe dezafiu balun mos iha, katak presija halo di'ak liu tan, tambo ne'e ohin ami hato'o ba komandante Jerál, tambo desijaun hotu iha Komandante Jerál nia liman, no ami mos hanesan Timor oan hakarak hadi'a hodi dezenvolve PNTL ba oin, tambo ne'e tenke hetan kolaborasaun ne'ebe di'ak no ha'u hakarak hatete katak dezafiu sira ne'e la'o sai obstáculo atu la'o ba oin," tenik Naldo Rei.

Pesoál Ofisina **PNTL treina** oinsa **uza Extintor Inséndiu**

“Servisu iha oficina ne’e sei infrenta ameasa oi-oin liu-liu bainhira kaer no uza sala ekipamentus hirak ne’ebi iha oficina bele provoka insidente ahi han no insidente ne’ebi mai husi kombustivel ou eletrisidade, tama ne’ebi ho treinamento ne’ebi mekaniku sira iha oficina no pessoal lojística sira bele responde bainhira mosu ameasa ruma.”

Superintendente Xefe **Mateus Fernandes**
Komandante Administrasaun PNTL

Treinamento kona-ba uza Extintor Inséndiu ne’ebi foun ba pesoál Ofisina ne’ebi servisu iha Instituisaun Polisia Nasional Timor-Leste (PNTL) tama durante ne’ebi membru PNTL liu-liu iha Unidade Espesial, sira treinu kona-ba ahi ne’ebi liga liu ba Anti Raiot, no operasional nian maibe kona-ba Bombeiros nian, PNTL seidauk tuir treinamento kona-ba ida ne’ebi, tama ne’ebi formasaun ne’ebi importante tebes ba pesoal sira ne’ebi servisu iha área oficina no lojística.

Liu husi kooperasaun ho parseiru Programa Dezenvolvimentu Nasoens Unidas (UNDP) nian hodi realiza treinamento ne’ebi ba pesoál oficina nomos lojística PNTL iha Oficina Kuartel Jerál PNTL, Caicoli-Dili, foin lalais ne’ebi.

Liu husi treinamento ne’ebi, pesoál mekanika sira nomos membru PNTL ne’ebi servisu iha área lojística nian bele hatene oinsa hamate ahi bainhira akontese inséndiu ruma.

Treinamento ne’ebi fó husi Bombeirus ba partisipante hamutuk na’in 18 (sanulu resin ualu), treinamento ne’ebi kompostu husi teoria no práтика nune’ebi pesoal sira bele hatene no iha koñesimentu ba ekipamentus hirak ne’ebi uza ba hamate ahi nian.

Iha okaziaun ne’ebi Victorino Lopez Instruktur husi Bombeiros hateten sira fahe esperensia ne’ebi mak sira iha ba membru PNTL sira ne’ebi servisu iha Lojística no Ofisina tama sira nia servisu risku boot kona-ba ahi nian.

“Matéria ne’ebi mak ami fó ba sira mak kona-ba extintor inséndiu (pemadam api), extintor ne’ebi rasik iha oin haat mak hanesan: extintor bee, Espuma, CO2 no extintor Pokímu, tama baibain iha servisu fatin extintor hirak ne’ebi iha liu-liu lojística kona-ba kombustivel tama ne’ebi pesoal sira tenke hatene utiliza extintor espuma bainhira akontese ahi han kombustivel, iha oficina hanesan solda, ami hanorin kona-ba Extintor Pokímu para uza bainhira ahi mosu,” afirma Victorino.

Victorino hatutan, kontinuasaun husi kursu ne’ebi depende ba komando PNTL, ekipa husi Bombeiros sempre prontu atu fo treinamento, no ami husi Bombeiros la’os de’it fo treinamento ba PNTL maibe ami mos fó treinamento ba iha eskola sira no komunidade sira nuudar parte sensibilizasaun no formasaun oinsa atende ahi bainhira ahi foin mosu ho volume ne’ebi kiik. Iha treinamento ne’ebi, partisipante sira hala’o práтика kedas ba ekipamentus hirak ne’ebi atu utiliza ba hamate ahi bainhira akontese inséndiu ruma iha servisu fatin.

Photos: Yuchi Ishida/UNDP



Partisipasaun PNTL iha Misaun ONU ho susesu

"Partisipasaun PNTL iha misaun ONU hetan susesu boot iha Guinea Bisau tama politika Estadu Timor-Leste neé hetan apoiu husi Nasoens Unidas. Hili mos eis Prezidente Repúblika Jose Ramos Horta sai nuudar reprejentante Sekretariu Jeral Nasoens Unidas hodi promove no re-estabiliza situasaun iha Guinea Bissau. Ikus mai, eleisaun la'o ho di'ak hodi forma fali governu no to'o agora situasaun hakmatek."

Superintendente Assistente Ismael da Costa Babo
Komandante Gabinete Relasaun Internasional

Partisipasaun Polisia Nasional Timor-Leste (PNTL) iha misaun Organizasaun Nasoens Unidas (ONU) ba mantein Paz hodi promove nasaun Timor-Leste no instituisaun PNTL nomos bele hetan esperensia foun atu mantein seguransa no estabilidade ba povu no nasaun.

Nuudar nasaun membru ONU, Timor-Leste liu husi PNTL iha dever moral atu apoiu ONU hodi re-estabelese situasaun seguransa iha nasaun balu ne'ebe mak sei iha konflitu no funu nia laran, tama PNTL nuudar Instituisaun Seguransa ne'ebe mak legaliza iha konstituisaun Repúblika Demokrática Timor-Leste (RDTL) no iha inisius PNTL forma husi ONU.

Iha misaun ONU membru PNTL sira hala'o atividade polísial hanesan investigasaun, patrulla, mediasaun, negosiasiun no halo aproximaasaun ho komunidade.

Membru PNTL hirak ne'ebe mak atu partisipa iha misaun ONU liu husi prosesaun selesaun ne'ebe rigorou no la fasil ba ema hotu atu ba partisipa maske membru PNTL maioria hakarak ba misaun paz.

Prosesu selesaun ne'ebe hala'o diretamente husi United Nation Department for Peace Keeping Operation (UNDPKO) liu husi servisu hamutuk ho Polisia Nasoens Unidas (UNPOL) hodi halo selesaun ba dokumentus, prova eskrita, prova oral, psikolozia no oinsa halo sobrevívēnsia iha krize ruma.

Durante ne'e membru PNTL iha kontijente 4 (haat) mak partisipa ona iha misaun ONU mak hanesan UNMIK, UNIOGBIS, Guinea Bissau I no II.

I. Misaun UNMIK (United Nations Mission in Kosovo) husi tinan 2005-2008

Membru PNTL ne'ebe mak partisipa iha misaun Kosovo hamutuk na'in 10 mak hanesan :

- 1.Komisáriu Faustino da Costa (atuál 2º Komandante Jeral PNTL)
- 2.Superintendente Xefe Henrique da Costa
- 3.Superintendente Mateus Mendes
- 4.Superintendente Agostinho Gomes
- 5.Superintendente Assistente Pascoal Guterres
- 6.Superintendente Asistente Inacio Amaral
- 7.Superintendente Assistente Lucas Tilman,
- 8.Inspector Xefe Roberto Pereira dos Santos
- 9.Inspector Xefe Maria Fatima Martins
- 10.Sarjento Xefe Domingos Kamnahas

II.Misaun UNIOGBIS (United Nations Integrated Peace-Building Office in Guinea Bissau / Misaun Integrado Nasoens Unidas Harii Paz nia Edifisiu iha Guinea Bisau) husi tinan 2009-2011.

Membru PNTL ne'ebe mak partisipa iha misaun UNIOGBIS hamutuk na'in 2 mak hanesan :

- 1.Superintendente Xefe Jose Soares
- 2.Inspector Xefe Augusto Tilman

III.Misaun Guinea Bissau husi tinan 2012-2014

Membru PNTL hirak ne'e ba substitui sira nain 2 ne'ebe mak ba hala'o misaun UNIOGBIS nian mak hanesan:

- 1.Inspector Xefe Angelo Coelho,
- 2.Sarjento Xefe Terezinha Souza
- 3.Sarjento Rui Fatima Martins

IV.Misaun Guinea Bissau husi tinan 2015-2017

Membru PNTL ne'ebe mak ba partisipa iha misaun ne'e úniku na'in 1 (ida) de'it mak:

- 1.Inspector Xefe Carlos Moniz Maia

Aliende ne'e Instituisaun PNTL rejerva hela nia membru na'in 5 hodi tuir prosesaun, entre sira na'in lima ne'e, na'in rua mak tuir ona prosesaun entrevista no hein atu koloka mak hanesan Inspector Xefe Roberto dos Santos no Sarjentu Xefe Cristian Diaz, na'in tolu seluk ne'ebe tuir hela prosesaun ba faze entrevista mak hanesan Inspector Xefe Armando Fauk Lafusila, Inspector Herman Metan no Sarjentu Xefe Anacleto da Costa.

Aliende misaun polísial ne'e, iha mos misaun **United Nations Department of Safety and Security (UNDSS)** hodi koloka ba seguransa misaun ONU ne'ebe koloka ba Guinea Bissau hodi fo apoiu seguransa ba Representante Sekretáriu Jerál Nasoens Unidas iha Guinea Bissau Eis Prezidente RDTL Jose Ramos Horta durante tinan rua, membrus hirak ne'e kompostu husi PNTL na'in tolu no F-FDTL na'in ida mak hanesan:

- 1.Superintendente Assistente Ismael da Costa Babo (koordenador),
- 2.Sarjentu Floriberto Marcal,
- 3.Ajente Izolino da Costa
- 4.Kapitaun Francisco da Silva husi Instituisaun F-FDTL

Oras nee daudaun Instituisaun PNTL mos prepara hela kontijente ida atu ba hala'o misaun hanesan **"Asesoria ba Komisariu Polisia nian" iha misaun MINUSTAH (United Nation Stabilization Mission in Haiti / Estabilizasaun Misau Nasoens Unidas iha Haiti)**, membrus na'in tolu ne'e tuir ona prosesaun entrevista no hein katak iha tempu badak sei hetan desijaun husi UN DPKO hodi koloka iha misaun MINUSTAH, membru hirak ne'e mak hanesan:

- 1.Superintendente Xefe Mateus Fernandes,
- 2.Superintendente Natercia Eufrasia Soares Martins
- 3.Inspector Xefe Carlito Adorio

Aliende susesu ne'ebe mak hetan, iha mos difikuldade ne'ebe mak membru PNTL hirak ne'e hasoru liu-liu kona-ba lian ingles tama maioria membru PNTL sira iha 15% to'o 20% mak ko'alia lian ingles, difikuldade ida seluk mak koñesimentu ba teknolozia tama Nasoens Unidas nia servisu kuaze ho teknolozia avansadu tama servisu ho eletroniku no online tama ne'e iha misaun ONU tenke hatene buat hotu hodi bele servisu, ida ne'e hanesan sai dezafiu ida ba PNTL atu bele fo kapasitasaun liu tan ba membru sira liu-liu iha área lingua no teknolozia informátika.

"Husu ba membru PNTL sira ne'ebe mak partisipa ona iha misaun ONU no sira ne'ebe mak hala'o hela misaun atu mantein espíritu misaun ba paz nian, no servisu di'ak hodi promove instituisaun PNTL, no nasaun Timor-Leste iha Bandeira Nasoens Unidas no mundu Internasional," apela Sup. Ass. Ismael Babo.

Komandante Ismael hatutan, bainhira fila mai esperiênsia ne'ebe mak sira hetan bele kontribui ba Instituisaun PNTL nomos fahe esperiênsia ba membru polisia seluk hodi prepara ba misaun tuir mai.

Babo enkoraja ba membru PNTL sira ne'ebe mak seidauk partisipa iha misaun ba paz sei iha oportunidade maibe la fasil atu partisipa tama prosesaun rigorozu tebes ne'ebe hala'o direta husi DPKO, tama ne'e depende ba ema ida-idak nia kapasidade no tenke badinas atu aprende lian ingles no lingua seluk no aprende mos sistema teknolozia modernu.

Iha parte seluk, tenke aprende mos regulamentu manual Nasoens Unidas nian liu husi internet tama tinan-tinan konvite Nasoens Unidas nian sempre mai no ita tenki prienxe kritéria no rekejitu ne'ebe mak iha.



PNTL iha asaun

12



Membru Polisia Maritima hala'o Patrullamentu hodi cek point ba ró



Membru Logistik tuir treinamentu oinsa hamate ahi



Membru Polisia Maritima hala'o cek point



Membru operasaun espesialis
hala'o operasaun Tubulares



Membri husi Unidade Trânsitu halo eskolu ba siklista
sira iha eventu Tour de Timor 2015



Komandante Jerál PNTL hala'o Vizita ba eskuadra sira hotu

Vontade Servisu Informasaun Polísia no Servisu Investigasaun Kriminal haree husi perspektiva fundus operasaun kombate droga ne'ebé tama mai Timor-Leste.



Lian dahuluk,

Timor-Leste nu'udar nasau ne'ebé foun no foín ultrapassa husi situasaun ne'ebé difisil hanesan okupasaun husi kolonializmu. Hafoin hetan restaurasaun independensia iha 20 de Maio 2002, ita nia nasau enfrente tan kolonializmu foun (new colonialism) mak transportasaun droga ne'ebé bele afeita ba nasau no jerasau foun nia futuru.

Droga konsidera hanesan substânsia kímica ne'ebé altera estrutura funzionamento organizmu ema nian, droga hanesan aimoruk ne'ebé perigu (Dangerous Drug) ba saude tanba, sei estraga ema nia mental, sistema kakutak no fó impaktu negativu ba ita nia moris. Tuir relatório husi World Drug Report 2004. United Nations Office on Drug and Crime (UNODC), estimasaun globalmente iha tinan 2012 ema millaun 162 – 324, populasaun iha mundu hodi idade 15 - 64 mak agora daudaun ne'e konsume ona droga ho tipu ne'ebé diferente hanesan cannabis, opioid, cocaine no amphetamine.

Timor-Leste hanesan fatin tranportasaun droga liu husi liña fronteria terestres, Aeroporto, no Marítima tama mai ita nia rain hodi liu ba nasau viziñu hanesan Indonesia. Haree husi fenomena ne'e, ba futuro Timor-Leste iha potensia boot bele sai fatin ba merkatoria, konsumidor no fatin ne'ebé produs droga hodi distribui ba nasau iha Sudeste Ásia tanba, la iha serialidade atu kombate droga.

Razaun ne'ebé fundamentu atu fortifika argumentu ne'e katak, agora daudaun Timor-Leste seidauk iha sistema ka lei ne'ebé própriu kona-ba droga tanba, provizoriamente uza Lei Indonésia UU No. 22/1997 kona-ba narkotika hodi kondena ema sira ne'ebé involve-an iha asau droga. Alende ne'e, defeito no obstáculo boot ne'ebé ita infrenta maka, ita la tau atensaun ka la koloka fundus operasaun droga ba Servisu Informasaun Polísia (SIP) no servisu Investigasaun Kriminal (SIK) liu-liu iha seksaun droga (Planu orsamentu jerál). Tanba, finaneiru mós sai hanesan fator determinante iha servisu kombate droga.

Prazer boot ba ita hotu tanba, iha 28 Abril 2015 konsellu Ministru konsege pasa ona Lei kona-ba droga, ne'e hanesan susesu boot ida ba governu partikularmente Ministériu Justica ne'ebé iha ona vontade hodi hamosu enkuadramento oin-oin hodi produs Lei droga nian, espera katak Parlamento Nasional nu'udar órgaun lejislativu ne'ebé iha kompetensia konstitusional no politikamente bele diskute ona Lei droga nian hodi fó ki'ibit ba institusaun seguransa atu zere sira nia funsaun iha ambitu prevensaun ka kombate droga no manutensaun ordem pública ho efikasia.

Rejultadu hatudu ona katak operasaun ne'ebé boot liu iha 5 de Setemburu no 14 Outubru tinan 2014, autoridade seguransa captura autor droga ho tipu

methamphetamine hydrochloride (Shabu), cocaine no éxtase iha kapital Dili nu'udar rejultadu operasaun konjunta husi SIP no militar. (Funadasaun Mahein F.M). Ida ne'e hatudu ona rejultadu ne'ebé pozitívu entre koordenasaun servisu entre SIP no militar intermus oinsa atu kombate droga iha rai laran. Tan ne'e, presiza kria politika ida hodi kontinua fó apoio ba SIP no SIKN liu husi fundus operasaun kombate droga. Fundus operasaun droga sei utiliza hodi gasta ba nesesidade ne'ebé importante ka urgente durante hala'o servisu iha terrenu ho objetivu atu halibur informasaun nune'e polísia fasil atu hetan rede no movimento trafikante sira nian. Termus ne'ebé legal tuir lei no nasau barak uza mak hanesan entrapment (Asau ne'ebé ho kondisaun lasu ema, liu husi asau ilegal hodi nune'e ita bele kaptura ema ne'ebé ita lasu). Ezemplu, Servisu SIKN ka SIP koloka sira nia informador iha terrenu mascarada sai hanesan trafikante, iha senariu ne'e informador sei utiliza fundus sira ne'e tuir seküénsia kazu ne'ebé akontese iha terrenu hodi nune'e informador bele deteta no identifika trafikante sira nia rede no movimento.

Pergunta mak fundus ne'ebé informador gasta ne'e mai husi ne'ebé? haree ba prespetiva Nasionalizmu bele dehan presiza sakrifika-an hodi fó kontribuisaun ba nasau hanesan filozofia Eis. Presidente Estados Unidos da América John F. Kennedy "ask what your country can do for you- ask what you can do for your country" iha lingua Indonésia "Jangan tanyakan apa yang Negara harus berikan kepadamu, tapi tanyakanlah apa yang akan kau berikan kepada Negara" (50 Tokoh Politik Legendaris Dunia. Hal.82) ne'e hanesan filozofia ne'ebé nakonu ho teoria no la fasil atu implementa iha terrenu, tanba realidade hatudu katak maioria Polísia sei infrenta problema sosio-ekonomia iha sira nia moris. Tan ne'e, Polísia sei la hasai sira nia osan rasik hodi hala'o asau sira ne'e, razaun tanba fator saláriu ne'ebé la sufisente atu utiliza hodi halo asau entrapment. Entaun bele hamate efikasia no efisiensia SIKN no SIP nian intermus oinsa atu kombate droga ne'ebé tama mai Timor-Leste. Trafikante sira ita konsidera hanesan sistema network ka krime organizadu ne'ebé sempre iha ligasaun ba malu, se ita la uja metodu entrapment signifika katak ita susar atu asessu kona-ba trafikante nia rede no movimento.

Kombate droga la'os fasil maibe, persiza kontribuisaun husi entidade hotu iha nasau ida ne'e, hanesan Komandante SIKN Superintendente Ludgerio Lay sublina katak, "Ema hotu-hotu iha rai ida ne'e, presiza iha kolaborasaun diak hodi bele kombate droga ne'ebé tama iha rai laran" (STL online 18-12-2014). Tanba, ita hatene katak ameasa husi trafikante sira aumenta maka'as ho forma oin-oin maibe autoridade seguransa iha limitasaun tantu informasaun husi komunidade, fasilidade, ekipamento no finaneiru.

Ita iha ona seksaun droga ne'ebé hamahan an iha Departementu SIKN no SIP nia okos maibe, ne'e seidauk forte no sei nam-lele hela. Tan ne'e, Ministériu Interior (MI) nu'udar superior sivil ne'ebé iha kompetênsia Konstitusional, Institusional no Politikamente ba área

seguransa iha RDTL no sai hanesan parte integradu ida atu garante siddadaun sira nia direitu iha obrigasaun atu kria politika ida hodi fó apoio fundus operasaun droga ba SIP no SIKN hodi nune'e bele suporta sira nia servisu iha terrenu.

Tipologia husi trafikante sira sempre iha mudansa depende ba situsaun iha rai laran. Tan ne'e, ita labele premisif no apatis maibe, persija alerta nafatin hodi nune'e bele hamate sira nia rede no movimento tama no sai husi Timor-Leste.

Tanba sa Timor-Leste sai fatin trântitu ba droga-Trafikante?. Tanba, sira hatene katak Timor-Leste hanesan nasau ne'ebé foun ho ninia fasilidade, sistema kontrolu ne'ebé ladún adekuadu iha liña fronteria terestres, Aeropuerto, no Marítima, alende ne'e la iha fasilidade ne'ebé bele deteta droga tama-sai husi Timor-Leste. Ho ida ne'e, presiza tau atensaun ne'ebé espesial hodi nune'e efeitu labele da'et ba ita nia komunidade, sosiedade, familia no autoridade siguransa sira.

Oinsa efeitu ba komunidade – Sei hamosu kresmentu krime husi volume ki'ik to'o boot hanesan, violénsia hasoru ema, na'ok ema nia sasan no sst. Iha sorin seluk, bele hamosu relasaun la di'ak entre komunidade iha fatin ne'ebé sira horik ba. Droga mós sei kria grupu ka geng ne'ebé involve juventude sira iha komunidade nia leet, no sei resulta número krime no violénsia ne'ebé aas iha área urbana hanesan Dili.

Oinsa efeitu ba sosiedade – sei hamosu kresmentu imoralidade no lakon sira nia moral iha sosiedade nia le'et. Alende ne'e mós, bele hamosu prostituisaun no Pedophillia (abuzu seksual ba labaralk ki'ik sira).

Oinsa efeitu ba familia – kria relasaun la di'ak iha familia entre membru iha familia laran, la respeita malu, la iha unidade entre membru iha familia laran no hamosu violénsia domestika iha familia.

Oinsa efeitu ba autoridade seguransa – bele hamosu korupsaun iha servisu fatin, implementa Lei la tuir regra legal, kria imazen no kredibilidade ne'ebé la di'ak ba institusaun seguransa no sosiedade.

Droga konsidera hanesan krime extra-ordináriu (Extra – Ordinary crime) tanba ne'e presiza trata assuntu ne'e ho métodu extra-ordináriu. Ho ida ne'e, atu kombate

movimentu droga presiza kompleta asaun sira tur mai ne'e:

1.Kria Lei Anti Droga hodi nune'e bele fó pena ne'ebé forte ba autorór sira. Presiza mós dezenvolve estratezia komprehensivu hodi kombante distribuisaun droga liu husi komitmentu no suporta máximu husi órgaun lejislativu no ajensia seguransa iha Timor-Leste.

2.Hamelin sistema kontrolu no facilida fasilidade ba autoridade seguransa iha liña fronteria terestres, Aeroporto, no Marítima nune'e labele fó biban ba trafikante droga hodi hala'o atividades transportasaun droga tama sai Timor-Leste.

3.Prepara rekursu humanu no aumenta númeru intelligênsia iha liña frontera nune'e bele kontrola movementu trafikante ka trasportador sira intermus oinsa atu deteta movementu trafikante.

4.Presiza prepara fundus operasaun droga ba SIP no SIKN partikularmente iha seksaun droga. Fundus nee ba operasaun servisu, ekipamento teknoloja no komunikasaun ne'ebé sofistikadu hodi fornese atividade operasaun ho suficiente no sustentavel.

5.Presiza halo sosializaun ba sosiedade hodi nune'e ema hotu bele iha koñesementu kona-ba droga. Karik bele kria sistema servisu integradu husi ajensia seguransa, edukasaun no komunikasaun hodi habelar informasaun kona-ba droga iha sosiadade nia le'et.

6.Presiza kontribuisaun máximu husi sosiedade hotu hodi fó informasaun ba autoridade seguransa sira bainhira hetan rede ka movimento trafikante sira.

7.Presiza kria ona laboratório PNTL hodi nune'e bele halo ezaminasaun ba tipu ka substânsia husi droga ne'ebé PNTL sira prende.

8.Halo parseiru ne'ebé di'ak no hamelin koordenasaun ho ajensia internasional liu-liu husi nasau viziñu hanesan Australian Illicit Drug Intelligence (AIDIP) no Badan Narkotika Nasional (BNN) hodi kontrola rute ka dalam trântitu droga.

Naran: **Gastão M. Da Piedade, BS.C**

Email: gracacosta123@yahoo.com

No Hp: +670 77165804

Maluk sira nia kontribuisaun bele liu husi critika no sujetaun.





Poltraz uza livru Nota Auto Infrasaun foun

"Diferénsia husi Livru Nota Auto Infrasaun foun ne'e mak, prosesu pagamentu ba multa (selu koima) lahanesan uluk, karik hetan kondutor ka motorista sira halo infrasaun iha estrada públiku mak polísia tránzitu sei fó nota auto infrasaun ba infratór no sira sei ba selu direta iha Banku Nasional Ultramarino (BNU)."

Inspetor Xefe Polísia, Valente Soares da Silva
Xefe Departamentu Tránzitu no Seguransa Rodoviária Nasional Interinu

Polísia Nasional Timor-Leste liu husi Departamentu Tránzitu no Seguransa Rodoviária (Poltraz) agora dadaun uza ona livru nota auto infrasaun foun ne'ebe foin lalais ne'e hamutuk ho Diresaun Nasional Transporte Terrestre (DNTT) lansa ona iha Kuartel Jerál PNTL Caicoli-Dili.

Polísia Tránzitu agora dadaun hahú aplika ona livru refere tambo bele fasilita di'ak liu tan servisu polísia tránzitu nian iha terreinu bainhira polísia hetan motorista no kondutor sira halo infrasaun iha Estrada públiku.

Molok implementa livru nota auto infrasaun foun ne'e, Polísia Tránzitu Nasional realiza wokshop durante Ioron 2 (rua) iha Salaun Seksau Komunikasaun Kuartel Jerál PNTL, Caicoli-Dili ne'ebe involve Xefe Seksau Polísia Tránzitu husi Munisípiu 13 (sanulu resin tolu) hodi esplika konteudu husi Livru nota auto infrasaun refere.

"Objetivu husi workshop ne'e mak atu fo koñesimentu kona-ba livru nota auto infrasaun ne'e ba Xefe Seksau Tránzitu sira husi Nasional no Munisípiu 13 atu bele kompriende didiak livru refere molok implementa iha terreinu, liu-liu ba prosesu pagamentu ka selu koima, infrator rasik mak ba selu direta iha BNU la'os hanesan uluk," afirma Inspetor Xefe Valente Soares.

Iha parte seluk, Diretor Nasional Transporte Terrestre (DNTT), Natalino do Rosario hateten, livru nota auto infrasaun foun ne'e di'ak tebes tambo infrator sira sei ba selu koima direta iha banku, ida ne'e bele prevene dúvida balun husi públiku ne'ebe sempre kestiona no diskunfia katak osan infrasaun nian tama iha polísia tránzitu nia bolsu.

"Ami halo enkontru ho Vice Ministro Obras Públika no Transporte Terrestre, DNTT, Diresaun Jerál Ministériu Finansas no Polísia Tránzitu katak ba infrasaun selu direta iha banku ne'e dalan diak liu, tambo durante ne'e públiku sempre kestiona no diskunfia katak osan infrasaun nian tama iha polísia tránzitu nia bolsu, tambo ne'e mak liu husi meius ne'e infrator rasik sente katak nia ba selu koima tambo nia halo infrasaun duni," tenik Natalino.

Iha fatin hanesan, Reprezentante Komandante Jerál PNTL, Superintendente Xefe Carlos Jeronimo husu ba polísia tránzitu atu servisu ho professional, tuir regulamentu tránzitu nian atu nune'e bele manan konfiansa liu tan husi komunidade.

"Ha'u reprezenta Komandante Jerál hakarak husu ba ita boot sira ne'ebe servisu iha estrada públiku tenke hala'o kna'ar ho professional, labele haree hapara kondutor no motorista sira tambo la gosta nia ka iha problema entre individual ka grupu maibe hapara nia tambo nia halo sala ka halo infrasaun duni," apela Xefe Departamentu Justisa ne'e.

Nune'e mos Komandante Operasaun Nasional Interinu, Superintendente Natercia Eufrasia Soares Martins hateten, polísia tránzitu ne'ebe lor-loron hamriük iha Estrada públiku, ema laharee ba performansia polísia nian maibe haree ba professional ema ida-idak nian, tambo ne'e tenke hatudu ho professional tambo maske oknum ida ka rua mak halo atendementu ladiak, ema temi mak Instituisaun PNTL laos temi individu nia naran.

Estatístiku Nasional Insidente no Tránzitu 2015

Estatístiku Insidente Nasional 2015

DISTRITU	Jullu	Agostu
Aileu	3	4
Ainaro	4	12
Baucau	21	14
Bobonaro	13	32
Cova Lima	19	13
Dili	146	99
Ermera	22	12
Lautem	12	9
Liquica	23	32
Manatuto	5	7
Manufahi	1	3
Oecusse	22	28
Viqueque	9	4
TOTÁL	300	269

Estatístiku Tránzitu Nasional 2015

DISTRITU	ASIDENTE HOTU-HOTU		VITIMA NE'EBO KANEK		ASIDENTE FATAL	
	Jullu	Agostu	Jullu	Agostu	Jullu	Agostu
Aileu	6	4	18	5	0	0
Ainaro	5	1	0	1	0	0
Baucau	12	8	12	9	0	0
Bobonaro	5	9	8	17	0	1
Cova Lima	3	2	5	4	1	0
Dili	91	62	78	40	1	2
Ermera	6	8	8	14	0	1
Lautem	2	5	3	5	1	1
Liquica	8	9	15	8	0	1
Manatuto	6	2	2	2	0	1
Manufahi	6	0	6	0	2	0
Oecusse	1	2	1	2	0	0
Viqueque	3	3	4	2	0	3
TOTÁL	154	115	160	109	5	10

JULLU
AGOSTU

Embaixada Amérika apoiu radio komunikasaun 65 ba polísia komunitária

Governu Amerikanu liu husi ninia Embaixada Estadus Unidus da Amérika (EUA) iha Timor-Leste apoiu tan Radio Komunikasaun hamutuk 65 (neen nulu resin lima) ba Polísia Nasional Timor-Leste (PNTL) Departamento Polísia Komunitariu hodi fasilita di'ak liu tan servisu Ofisial Polísia Suku (OPS) iha terrenu.

Adjunto Xefe Misaun Embaixada Estadus Unidus Amérika iha Timor-Leste, Katherine Dueholm hateten Estadus Unidus Amérika haksolok atu kontinua ninia apoiu ba programa kapasitasau no servisu PNTL nian nu'udar buat ne'ebé mak Estadus Unidus Amérika halo nanis kedas ona liu husi projetu ida ne'e, hahu husi tinan 2012 liu ba.

"Estadus Unidus nia programa "Apoia Polísia, Sustenta Dame" ho orsamentu miliaun dolar \$11 ne'e implementa iha área oioin hodi hadi'a seguransa no estabilidade iha Timor-Leste. Doasaun ida ne'e mak produtu ida husi esforsu rua iha programa ida ne'e nia laran ne'ebé mai hamutuk hodi apoia PNTL nia Departamento Polísia Komunitária ho komunikasaun ne'ebe sira presiza," afirma Katherine Dueholm iha serimonia entrega radio komunikasaun ba Polísia Komunitária ne'ebe hala'o iha Salaun Konferénsia Kuartel Jerál PNTL Caicoli-Dili, foin lalais ne'e.

USAID nia projetu Polísia Komunitária, implementa liu husi Fundasaun Asia, identifika ona katak Ofisial Polísia Suku ida-idak presiza radio, no Konseleiru Senior Polísia-Logística husi Governu Estadus Unidus, fasilita ona akizisaun ba radio sira ne'e.

"Polísia Komunitária simu tan apoiu balun husi Embaixada Estadus Unidus Amérika liu husi governu Amerikanu ne'ebe entrega radio komunikasaun hamutuk 65 ba OPS sira, nune'e bele fasilita no responde ba difikuldade ne'ebe mak OPS sira hasoru iha baze," afirma Xefe Departamento Polísia Komunitária Nasional, Superintendente Assistente Boavida Ribeiro.

Boavida hatutan, apoiu ne'e fó bazeia ba parseiru sira nia observasaun durante ne'e katak nesesidade PNTL liu-liu kona-ba komunikasaun ba Polísia Komunitária, OPS sira presiza tebes radio komunikasaun atu nune'e bele halo komunikasaun bainhira sira halo servisu iha baze.

Durante ne'e Polísia Komunitária servisu hamutuk ho parseiru barak no suporta ida ne'e nuudar resultadu diskusaun nível parseria nian hodi fahe informasaun ba malu liu-liu iha área seguransa nian, tamba sira haree katak seguransa ne'e área ne'ebe mak importante tebes.

Instituisaun PNTL iha avansu no mudansa boot, liu-liu iha área Polísmientu Komunitária ne'ebe mak koloka ona membru sira iha kada suku, tamba ne'e sira apar ho programa no problema ne'ebe mak Polísia Komunitária infrenta nune'e ho vontade sira oferese meius ne'ebe mak presiza.

Iha okziaun ne'e Segundu Komandante Jerál PNTL Komisariu Faustino da Costa husu ba OPS sira atu utiliza radio ne'e ho di'ak atu fasilita no kanaliza informasaun. Uza radio ne'e ho kuidadu no ho responsabilidade atu radio ida ne'e tuir nia dalan no bele fo benefisu di'ak liu tan ba meius komunikasaun ne'ebe mak durante ne'e sai obstáculo ba PNTL bainhira hala'o kna'ar.

"Agradese ba Embaixada Estadus Unidus Amérika liu husi nia representante Katherine Dueholm, hein katak apoiu ne'e la'os ninin no rohan ba apoiu maibe Estadus Unidus sei nafatin tulun no hein katak nia rejultadu pojitivu hodi garantia seguransa ba povu atu hala'o movimentu livre no seguru."

Tuir planu, membru OPS ida hetan radio komunikasaun ida, maibe doador sira mos iha kbi'it limitadu tamba ne'e radio komunikasaun 65 ne'ebe sira fó apoiu sei oferese ba OPS sira ne'ebe iha liu área rural ka suku ne'ebe izoladu liu nomos ba Postu Administrativu sira husi kada Munisípiu.

Serimonia entrega Radio Komunikasaun ne'e dirizi husi Segundu Komandante Jerál PNTL, representante EUA iha Timor-Leste, Xefe Departamento Polísia Komunitária Nasional, representante Ofisial Polísia Suku husi kada Munisípiu no membru PNTL sira seluk.



Diagnóstika Nasional PNTL iha ona Planu Estratégiku

"Ha'u hanoin PNTL iha planu ona, agora oinsa mak planu ne'e bele la'o ho di'ak. Ida mak komandante hotu-hotu tenke hatene sira nia planu no programa ne'ebe sira planeia ona tuir planu estratégiku, no planu ida ne'e sira labele la'o mesak, sira tenke la'o ho instituisaun sira seluk hanesan Ministériu Estatal, Finansas, Ministériu Públiku no seluk tan, nomos ho Ajensia Internasional sira ne'ebe hakarak apoiu ba PNTL, sira nia apoiu ne'e tenke enkuadra-an ba planu ne'ebe iha tiha ona, katak planu tenke integradu, orsametu tenke kompleta malu, tenke halo kontrolu hamutuk."

Francisco da Costa "Borlaco"
Jerente Prinsipál Sekretariu Estadu Fortalesimentu Instituisional

Sekretariu Estadu Fortalesimentu Instituisional (SEFI) ho Instituisaun Polísia Nasional Timor-Leste (PNTL) hala'o Diagnóstika Nasional ba Fortalesimentu Instituisional liu-liu ba Instituisaun PNTL ne'ebe hala'o durante loron tolu iha Edifisiu Comissão Nacional de Eleição (CNE) Caicoli-Dili. Diagnóstika Nasional ne'e ho nia objetivu atu identifika problema ne'ebe mak PNTL hasoru no oinsa buka nia solusaun hodi rezolve ba tempu badak nomos ba tempu naruk.

Asuntu ne'ebe mak ko'alia iha Diagnóstika Nasional ne'e mak kona-ba Politika, vizaun, estratejia, lideransa, estrutura Governasaun no Kuadru Instituisional, Jestaun Rekursu Humanu, Jestaun rekursu seluk kona-ba planeamentu, orsamentu, kontrola ba ezekusaun, Kultura organizaasaun no komunikasaun interna, Rezultadu prestasaun servisu, Jestaun relasaun no komunikasaun eksterna.

Entertantu tuir Jerente Prinsipál SEFI Francisco da Costa "Borlaco" hateten, PNTL iha ona planu estratégiku 2014-2018, atu implementa planu ida ne'e labele la'o mesak, tenke halo koordenasaun ho Ministériu seluk atu nune'e bele la'o dia'k no susesu.

Francisco Borlaco hatutan, iha parte seluk PNTL mos hatudu ona progressu boot iha ninia servisu maske ema balun labele halo, maibe PNTL bele hala'o mesak exemplu krize ne'ebe mak akontese iha tinan 2006, PNTL bele rezolve, seguransa internal ne'ebe ONU husik hela sira bele responsavel mesak.

Diagnóstika Nasional ba Fortalesimentu Instituisional ne'ebe ho Lema/Motto mak vizaun ida, planu ida no asaun ida ho nia signifika katak Instituisaun hotu-hotu iha ninia vizaun ida deit, planu ne'ebe iha tenke integradu, tenke la'o hamutuk ho Ministériu no Instituisaun sira seluk, asaun ida deit katak, ema ida hala'o nia asaun ida maibe ninia objetivu no kontekstu ida de'it.

Nomos ho Tema "moris diak nasaun ne'e responsabilidade ita hotu nian, tamba ne'e ita preokupa hodi serví ho di'ak ba dezenvolvimentu"

Ikus liu Francisco Borlaco afirma PNTL bele la'o nafatin tuir planu estratégiku ne'ebe mak iha, tuir vizaun Vizibilidade Involvimentu no Profesionalizmu.

"Ha'u hanoin PNTL sira kontinua la'o nafatin tuir sira nia Planu Estratégiku VIP, reforma dezenvolvimentu instituisional, Ordem Pública no Polísia Komunitária, ha'u hanoin sira kontinua planu 2 ne'e ho diak, hala'o koordenasaun di'ak no importante liu mak hametin sira nia lejislasaun, kompriende lei no regra, aumenta tan formaasaun, disciplina tenke di'ak, administrasaun tenke metin, iha prinsipi VIP. Karik sira hala'o ho diak, ha'u hanoin tinan 2018 ba oin, sira bele atinji sira nia mehi ne'ebe iha ona," Esperansa Borlaco.

Entertantu partisipa iha Diagnóstika ne'e mak Komando Jerál PNTL, Komandante Unidade, Departamento, Seksau iha Nasional, nomos Komandante husi Munisípiu 13 inklui ekipa SEFI. Enkontru ne'e organiza husi SEFI no no hetan apoiu husi parseiru dezenvolvimentu UNDP.

Programa “HAKOHAK” apoiu lider komunitáriu rezolve problema

Fundasaun Ázia (The Asia Foundation) nia programa Polísiamentu Komunitária ne’ebé hanaran “HAKOHAK” (Hamelin Kooperasaun Hamutuk entre Polisia ho Komunidade) hodi estabele Konsellu Diretiva Distrital (KDD) no Konsellu Polísiamentu Komunitária (KPK) agora dadaun kobre ona ba Munisipiu 11 (sanulu resin ida), ezeptu Munisipiu Lautem no Zona Autoridade Espesial Oe-cusse Ambeno.

Programa “HAKOHAK” ne’ebé inisia husi Fundasaun Ázia no koopera ho Polisia Nasional Timor-Leste liu husi Departamentu Polisia Komunitária Nasional hodi estabelese KDD no KPK atu nune’ebé bele asegura seguransa iha kada Munisipiu to’o iha suku.

Programa HAKOHAK ne’ebé implementa ona iha Munisipiu 11 maioria hatudu ninia progresu pozitívua tamba lideransa komunitária no komunidade sira mos fó sira nia apoiu másimu ba iha estabelesimentu KDD no KPK iha kada Munisipiu no suku.

KDD estabelese iha Distrital ne’ebé involve Komandante PNTL Munisipiu, Administrador Munisipiu, Administrador Postu Administrativu sira hodi kontrola, monitoriza no halo evaluasaun ba servisu KPK nian. Entertantu KPK mak mahon ba Ofisial Polisia Suku (OPS) ne’ebé koloka ona iha kada suku.

Programa polísiamentu komunitária nian liu-liu KDD, KPK, no OPS hetan suporta finanseiru no material husi Fundasaun Ázia nomos husi Programa Polísiamentu Komunitária Timor-Leste

(TLCPP) husi Governu Nova Zelandia. Progresu ne’ebé hatudu liu husi apresentasau resultadu ne’ebé Fundasaun Ázia ho TLCPP apresenta ba PNTL iha Salaun Konferénsia Kuartel Jerál PNTL, Caicoli-Dili foin lalais ne’ebé.

Ho progresu ne’ebé hatudu, Komandante Jerál PNTL Komisáriu Julio da Costa Hornay agradese ba Fundasaun Ázia liu husi Programa HAKOHAK no TLCPP ne’ebé durante ne’ebé apoiu ona servisu polisia Komunitária nian hanesan Ofisial Polisia Suku, Konsellu Polísiamentu Komunitariu no Konsellu Diretiva Distrital.

“Agradese ba TLCPP no HAKOHAK ne’ebé fó apoiu ba atividade polisia komunitária nian, ne’ebé ita hetan resultadu pozitívu teb-tebes tamba autoridade lokal no komunidade sira, membru Governu nomos Parlamentu Nasional sira sente kontente ho prezensa OPS sira iha kada suku, tamba ne’ebé husu ba komandante Munisipiu to’o iha Eskuadra sira atu fó apoiu nafatin ba programa ida ne’ebé atu nune’ebé ita bele alkansa ita nia objetivu,” afirma Komisáriu Julio Hornay

Entertantu iha enkontru ne’ebé, Komandante Munisipiu sira mos maioria agradese ba parseiru Fundasaun Ázia liu husi Programa HAKOHAK nomos TLCPP ne’ebé fo apoiu kapasitasau, facilidade no finanseira ba estabelese KPK no KDD iha Munisipiu no suku sira hodi fo apoiu ba servisu OPS sira, no programa

ne’ebé la’o di’ak tebes tamba bele ajuda lider komunitariu sira atu bele prevene konfliktu iha komunidade.

Iha fatin hanesan, Sarah Dewhurst nuudar Koordenadora Programa HAKOHAK husi Fundasaun Ázia hateten, Fundasaun Ázia iha programa naran HAKOHAK ne’ebé atu hamelin kooperasaun iha parte seguransa entre polisia ho komunidade, programa ida ne’ebé nia atividade boot mak atu estabelese KPK iha nível suku no KDD iha nível Munisipiu. To’o agora loke ona KPK iha suku 10 iha kada Munisipiu ezeptu Munisipiu 2 mak seidauk, no programa ne’ebé hanesan programa pilotu ida ne’ebé kontinuasaun sei kompleta husi PNTL rasik.

Entertantu suku iha territoriu tomak hamutuk 442 ne’ebé OPS koloka ona ba suku 410 no suku ne’ebé mak seidauk iha OPS, tuij planu sei kompleta hotu iha tinan ida ne’ebé, nomos KPK iha Munisipiu Ainaro mak hanesan pilotu hodi kobre hotu KPK iha kada suku, entertantu iha Munisipiu seluk KPK seidauk estabelese iha suku hotu, no sei iha prosesi atu kompleta.

Partisipa iha enkontru ne’ebé mak hanesan Primeiru Sekretaria.

Entertantu iha enkontru ne’ebé, Komandante Munisipiu sira mos maioria agradese ba parseiru Fundasaun Ázia liu husi Programa HAKOHAK nomos TLCPP ne’ebé fo apoiu kapasitasau, facilidade no finanseira ba estabelese KPK no KDD iha Munisipiu no suku sira hodi fo apoiu ba servisu OPS sira, no programa



Photo: Estevao Pereira/PNTL

Polisia bele implementa Lei Ambiental

Problema Ambiente no biodiversidade, kontinua mosu tamba limitasaun informasaun kona ba lei ambiental nebe mak iha. Atu rezolve ba problema refere, presja partes hotu atu iha obrigasaun hodi proteje meiu ambiente no biodiversidade ne’ebé iha. Tamba ambiente mak fatór importante ida ba ita umanu hodi moris.

Problema kona-ba meiu ambiente mak hanesan sunu rai arbíru, tesai ai arbíru, soe ka fakar fo’er la tuir nia dalan, husik animal arbíru no seluk tan mak hamosu bee maran, rai monu, udan lamai ka hanaran mudansa klimatika no impaktu seluk mak lori moras ba ema nia saúde, no biodiversidade mak ema kontinua ba kasa animal fuik iha rai maran, nomos ba kail iha tasi laran hodi tempu ba tempu animal fuik sira ne’ebé mos hola parte ida ba identidade Timor nian.

Tamba ne’ebé, lei ambiental tenke implementa ho rigor no halo sosializasaun ba komunidade atu sira bele hatene no kompriende diak kona-ba lei refere, tumba maioria seidauk iha koñesimentu di’ak kona-ba oinsa proteje ambiente no biodiversidade.

Relasiona ho kestaun ne’ebé, mak Ministériu Komérsiu Industria no Ambiente (MCIA) liu husi Diresaun Meiu Ambiente hala’o semináriu hamutuk Polisia Nasional Timor-Leste (PNTL) hodi dezimina Lei Ambiental iha institusaun PNTL. Iha parte seluk, liu husi deziminasaun lei ne’ebé bele hasa’ebé koñesimentu polisia nian bainhira implementa lei ambiental iha terreinu.

Semináriu Lei Ambiental ne’ebé ofisialmente loke husi Vice Ministru MCIA, Constancio Pinto ho nia objetivu atu fahe informasaun ba malu kona-ba oinsa implementa Lei Ambiental hanesan Lei no. 5/2011 kona-ba Licenciamento Ambiental, no lei no.6/2012 kona-ba Lei Baze Ambiental hodi proteje Meiu Ambiente no Biodiversidade Timor-Leste nian.

“Ha’u hanoin lei iha ona, agora oinsa PNTL atu implementa. Liu husi semináriu ne’ebé oinsa polisia sira bele iha koñesimentu no referensia atu bele fahe informasaun ba komunidade, tumba polisia mak sei hamutuk ho Xefe Suku sira hodi implementa lei sira ne’ebé,” afirma Segundu Komandante Jerál PNTL, Komisáriu Faustino da Costa iha Semináriu Lei Ambiental ba PNTL ne’ebé hala’o iha Centru Formasaun ba Polisia, Comoro-Dili iha fulan liu ba.

Komisáriu Faustino hatutan, PNTL mos koloka ona ofisial polisia suku iha kada suku iha Timor laran maske seidauk kobre hotu. Liu husi semináriu ne’ebé sei bele hatutan ba polisia komunitariu sira atu nune’ebé sira mos bele dezimina informasaun ne’ebé ba Xefe Suku no komunidade iha kada suku, atu nune’ebé sira bele kompriende diciak kona-ba lei ambiental hodi proteje ambiente.

Entertantu, Vice Ministru MCIA, Constancio Pinto hateten problema ambiente nuudar mos problema boot Timor-Leste nian tumba komunidade seidauk kompriende diak kona-ba oinsa proteje meiu ambiente no biodiversidade.

“Iha prosesi dezenvolvimentu, ita hasoru difikuldade no dezafiu boot iha Timor-Leste, ida mak problema ambiental, ema sunu rai arbíru, husik animal arbíru, la asegura ambiente ida moos no saudavel, ida ne’ebé mak dezafiu,” afirma Vice MCIA Constancio.

Entertantu semináriu ne’ebé hala’o tumba iha kooperasaun entre MCIA liu husi Diresaun Ambiental ho PNTL no partisipa iha semináriu ne’ebé mak membru PNTL husi Komando Jerál no Komando PNTL Munisipiu Dili, parte husi Diresaun Nasional Ambiental husi MCIA nomos lider komunitariu husi Munisipiu Dili.

The screenshot shows the official website of the National Police of Timor-Leste (PNTL). The header features the PNTL logo and the text "POLÍCIA NACIONAL TIMOR-LESTE". The main content area includes a banner for the "Aniversario ba dala - 6 (Unidade Especial Polisia)", a news article about UNFPA training for HIV/SIDA testing, and a document titled "RELATÓRIU 2014 KONA-BA PROGRESU PLANU ESTRATÉJIKU PNTL [2014 - 2018]". Other sections like "AVIZU BA PÚBLIKU" and "GALERIA" are also visible.

Situs PNTL promove VIP

Institusaun Polísia Nasional Timor-Leste (PNTL) lansa fali situs (website) foun ho naran "www.pntl.tl", hodi promove VIP (Vizibilidade Involvimentu no Profesionalizmu) liu husi fornese informasaun ba públiku kona-ba atividade PNTL nian ne'ebe hala'o iha Nasional nomos iha Munisípiu sira.

Situs foun ne'e lansa direta husi Segundu Komandante Jerál PNTL, Komisáriu Faustino da Costa no Xefe UNDP iha PNTL Stephen Moore iha Salaun Enkontru Kuartel Jerál PNTL, Caicoli-Dili, foin lalais ne'e.

Iha lansamentu ba situs foun PNTL ne'e, Segundu Komandante Jerál PNTL, Komisáriu Faustino da Costa hateten, Informasaun Teknoloxia importante tebes ba PNTL, tampa tuir planu estratéjiku PNTL nomos Governu nian katak, iha futuru mai, PNTL bele ona uza ekipamento modernu, tampa ne'e hahu ohin membru ida-idak tenke buka atu aprende.

"Servisu no atividade ne'ebe ema hotu hala'o ohin loron, Informasaun no Teknoloxia importante tebes. IT importante maibe karik ita labuka atu hatene no uza mak ita sei atraza, no ita sei la atinji saida mak ita atu halo. Planu estratéjiku PNTL nian nomos Governu nian katak iha futuru mai, PNTL nu'udar polísia ida ne'ebe modernu, polísia ida ne'ebe sei uja ekipamento modernu, se ita la aprende agora, se ita la antisipa agora, mak ita sei la atinji ita nia objetivu ne'ebe iha ona," afirma Komisáriu Faustino.

Segundu Komandante Jerál Faustino hatutan, oinsa situs PNTL ne'e la'o diak hodi fornese informasaun atuál no interesante ba públku, mak Komandante ida-idak tenke kontribui informasaun ba Gabinete Relasaun Pública PNTL atu bele tau iha situs refere.

Komando Jerál agradese ba parseiru UNDP no asesora Relasaun Pública ne'ebe organiza hodi lansa fali ba situs foun ne'e, nomos treina ona membru PNTL atu bele atualiza ba informasaun nomos dadus sira ne'ebe atual ba públku".

"Ikus liu orienta ba PNTL tomak liu-liu komandante sira atu fornese informasaun kona-ba atividade saida deit mak ita boot sira hala'o, tantu iha Nasional nomos iha Munisípiu ba Relasaun Pública atu tau iha situs ida ne'e, atu nune'e ita bele konverse ba públku katak informasaun ne'ebe iha situs ne'e informasaun atuál, importante no interessante." Apela Komisáriu Faustino.

Iha fatin hanesan, Xefe UNDP iha PNTL Stephen Moore hateten, parabens ba Relasaun Pública ne'ebe servisu maka'sas hodi kria situs foun ida ne'e, no situs ne'e nuudar dalan di'ak ida atu bele promove Vizibilidade, Involvimentu no Profesionalizmu.

"Website ida ne'e nuudar dalan diak ida hodi promove VIP, no hanesan janela PNTL nian hodi fornese informasaun ne'ebe loos no atual ba públku, atu nune'e públku bele hatene atividade saida mak PNTL hala'o, situs PNTL ne'e hanesan orgullu ida ba PNTL tampa PNTL mos bele ona hodi uja Informasaun Teknoloxia ne'e," afirma Stephen Moore.

Partisipa iha serimonia lansamentu situs ne'e mak Komandante Unidade, Departamentu, Seksau, parseiru UNDP, TLPDP, JICA, Polísia Nova Zelandia.

Kadetes 262 sei hahú formasaun iha Outubru

Kadetes rekrutadu ba faze segundu hamutuk 262 (atus krua neen nulu resin rua) sei hahú tuir formasaun ba segunda faze ka kuartu kursu iha fulan Outubru tinan ne'e iha Centru Formasaun ba Polísia, Comoro-Dili.

Formasaun báziku ne'e nia objetivu atu bele teste fijiku katedes sira nian, nune'e mos kadetes sira bele hatene kona-ba servisu polísial nian molok sai membru polísia ida.

Tuir oráriu provizoriu ne'ebe iha, formasaun báziku ba segunda faze sei hala'o iha loron 28 Outubru tinan ne'e, maibe karik iha mudansa ba oráriu ne'e, Komisaun sei públika sai.

Entertantu molok kadetes hirak ne'e tuir formasaun báziku, mak sira tuir fali ezame médiiku ne'ebe hala'o iha loron 14 Setembru tinan ne'e iha Klínika PNTL atu nune'e bele hatene kondisaun saúde kadetes rekrutadu sira molok hahú tuir formasaun báziku.

"Prosesu tuir mai mak sei halo ezame médiiku ba kadetes foun sira, tampa sira deskansa kleur tumba ne'e ita presija check-up fali ba sira nia saude molok sira hahú tuir formasaun baziku, ezame ne'e hahú iha loron 14 Setembru no kada loron ema na'in 30 (tolunulu)," afirma Komandante Centru Formasaun ba Polísia (CFP) Interinu, Superintendente Assistente Emilio dos santos ba Média PNTL iha Akademia Polísia Comoro, foin lalais ne'e.

Komandante CFP Interinu Emilio hatutan, iha ezame médiiku ne'e mak identifika kadetes sira balun iha moras mak sei elimina no bolu fali kadetes rezervadu sira ne'ebe naran seidauk públika sai, tampa ne'e husu ba kadetes sira atu kumpri regulamentu ne'ebe iha ona tumba ida ne'e mak prosesu molok sai membru polísia.

Iha parte seluk, Komandante CFP ne'e mos informa katak, ba kadetes sira ne'ebe agora dadaun tuir hela formasaun iha Akademia Polísia ba faze primeiru nian, tuir oráriu sei halao estájui iha fulan Setembru no sei halo graduasaun iha fulan Outubru tinan ida ne'e.

Entertantu hatan kona-ba oinsa planu ba kadetes rezervadu sira ne'ebe naran la públika sai, Komandante CFP Interinu ne'e hateten, despaixu husi Ministru Interior iha ona atu oinsa bele konsidera ba sira nia valor ne'ebe mak sira iha ona.

"Tuir vagas ne'ebe fo sai iha Jornal República katak presija vaga 520, no iha primeira faze sira hamutuk 258 mak tama ona hein graduasaun, agora ba faze segundu ita presija tan 262 atu bele completa ba vaga 520 ne'e. Maibe ba sira ne'ebe mak konsidera abtu ka liu maibe sira nia naran la sai, despaixu husi Ministru Interior iha ona katak sei haree possibilidade atu haree katak oinsa bele konsidera ba sira nia valor ne'ebe mak iha, maibe buat hotu sei lao tuir nia prosesu," esplika Emilio.

Entertantu tuir Segundu Komandante Jerál PNTL, Komisáriu Faustino da Costa hateten ida ne'e mak prosesu tampa ne'e ita hotu tenke la'o tuir no husu ba kandidatus sira ne'ebe mak naran la sai iha lista, mantein sira nia-an hanesan kandidatu ba polísia, tampa Komando ho Ministru Interior sei hato'o proposta ba Governu atu bele haree ba kestaun ne'e hodi bele konsidera ba sira nia valor ne'ebe mak sira iha ona.

Karik iha possibilidade mak kandidatus sira ne'e la'os atu tama deit maibe sei iha tan teste médiiku no kriminal nian molok tuir prosesu tuir mai.



Photo: Tomas M. Rodrigues/PNTL

Photo: Tomas M.Rodrigues/PNTL



Apoiū husi



AFP
AUSTRALIAN FEDERAL POLICE



Empowered lives.
Resilient nations.



From
the People of Japan